

楚香亭集






楚香亭集卷三 旅齋集

進彰義門

合肥許夢麒仁長撰



揮手謝春明烏飛十六載那期爲名韁又入紅塵  
海其門高於天直覺騎驢矮顛風無日無溷濁滿  
胷浼逕復多金張面顏生光彩玉轡桃花驄奔馳  
自瀟灑

謝超凡和尚留寓

爾是伊蒲塞吾慙火宅僧久聞傳七寶妙契得三  
乘何幸來皈仰終須藉戒懲一枝棲穩地勝向佛



圖登

夜坐

昔昔緒風起時飄雲外鐘  
耽詩原有癖得句竟何  
從濁酒剛熏面殘棉不煖  
宵寒爐灰撥盡無睡坐  
夫容

寄內人二首

自違鄉里抵幽燕局勢如棋費  
斡旋十丈輭紅埋  
驥足一杯重碧聳詩肩經營客味  
時憂米想望家  
郵數卜錢昔昔不能銀海合打  
窓風雪益悽然  
我是崔暹劇可嗤年來家  
弊累搯持無端作客三

千里爭不懷卿十二時  
月下梅花何冷澹天邊雁  
羽亦差池逢人若問居  
停主丈室維摩得所師

奉懷印浦先生

一自長羸別遙懷直抵今  
魚書何不達蜨夢屢相  
尋欲誦停雲句難傾向日  
心吹簫時度曲淒絕少

知音

先生妙  
音律

寄示三兒

束髮少小兒心性喜弄筆  
塗鴉亦不妨但恐亂緗  
帙

望家問不至



出門季月初入都良月十鴻雁杳天邊家郵竟莫  
及豈無兒女情感此常涕泣欲作懷鄉詩腸愁語  
轉澀酌酒聊自廣一杯陽榮立緒風蕩林端嚴氣  
衣裳醜

雜言

衣冠甚偉然車騎如流水不逢監河侯誰貸官倉  
米

甲第起連雲中有先人寓一過重含酸那忍回頭  
顧

怪底消息稀雁鴻久不至可見抵萬金此言良非

易

有感

暫假僧廬三兩間逃禪也學坐蒲團頻謀白粲隨  
飢飽略買烏金任煖寒窓罅風來知被薄樓頭月  
上覺更殘枝栖似寄臯家庶敢向人稱半刺官

放歌

我生迂拙少兼該惟愛把卷歡啣杯有人勸我止  
飲罷咕嗶何苦終日沈酣枕藉成癡歎此言大是  
無疑猜獨不思酒能消胃中之鬱結書可去眼下  
之愁堆除斯二者百不挂我懷試看世人紛紛走



塵埃朝東暮西費兩脚徒增齷齪勞形骸不如沽  
一壺展一帙隨我恬曠相低徊縱然難與神仙儕  
時從詩城酒國間往來亦可以免岑寂羈天涯

枕上漫吟

月色鐘聲兩未殘睡醒紆軫忽無端禪房小住同  
孤衲塵路絲馳爲一官惹病幾看詩骨瘦牽愁爭  
得酒腸寬懸知便了兼程去報我平安夢始安

黃牙菜

甘如萍實脆如梨日日盤殮足品題百樣蔬中難  
比德真堪壑倒庾郎畦

獅子貓

豐厚皮毛軀幹奇名同白澤儼猶兒欲圖捕蜨花  
間看道士難逢李勝之

紙帳

誰搗枯藤白輕明自一奇客窓真足稱禪榻益相  
宜月下溶溶鑿風過細細吹唵燈終夜伴塵夢竟  
何之

挑燈棒

寸竹蘭缸壑拈來任指揮依光甘頷爛傍火苦形  
微黠鼠驚潛避癡蛾怯遠飛亭亭終有節夜夜不



相違

鏡中燈

床前青鏡閃青燈寶炬銀華隔一層拂拭那教紅  
燄滅照臨時有紫光騰花開蟾窟風難逼蕊結龍  
盤露不凝可笑飛蛾來幾度看伊痴絕果何能

鏡

我垢爾能照爾昏爾不知何來粉棉磨令爾生光  
輝

即事

鎮日了無事幽棲梵子家米香晨鉢粥泉淨午甌

茶惟仰空門妙寧言故國賒閒階看補袖雲影亂  
袈裟

冬夜自遣呈超凡

夜夜宿招提風光別故谿夢遙難化蝶更靜但聞  
雞冷月窺簾白寒雲壑牖低唵殘疎世慮覺與大  
禪齊

與武林沈與三茂才代柬

昨者塗觀時天合非人算氣味各已投歡然應無  
間底事成參商晨昏不相見君之賢主翁與君爲  
戚眷長安路多岐曲折渾難辨誤將呂作高姓名



幾訪遍幸蒙枉前綬舛偽始立判共此 皇都居  
尚且艱一面矧廼隔山川遐陬而異縣

謝仁和張錦西惠香

荷君沈水慨相頒隨有氤氳起戶間入夜不成胡  
蝶夢熏衣偏上鷓鴣斑龍涎蕪處渾無味雞舌含  
來只等閒多謝慇懃持贈意欲思效愛一何艱

懷家

箕坐藤輪念不灰如山憂患滿襟堆

家鄉  
乾旱

三更未

到先雞唱片紙無傳獨雁來手把壺觴寒可却情  
牽梅鶴鬱難開試香且展黃紗被或有今宵旅夢

回

僧窓吟趣

纔打僧鐘夜未央課詩差足自相羊林浮竹葉含  
春色紙破桃花漏月光不信難聊能撥置果然有  
味是篇章况教獨得金鍼度消盡閒情勝妙方

錦西閱余手錄諸書謬以勤學過獎因與閒  
話

粥鼓鐘魚素所耽相依慈室禮瞿曇勤於志學終  
何益拙也謀身每自慙烏帽塵衫淹薊北青鞵布  
鞞憶江南劇悲干祿凋華髮寧止嵇生七不堪



苦寒

為戀浮榮入 帝畿淄埃又上浪人衣寧嫌終日  
孤吟寐惟恨深宵遠夢稀連夜不寐落地水成冰骨結  
當簷雲送雪花飛阿誰吹律溫和遍遮莫長空勁  
氣微

偶作

雪薄霜封困我曾漫天嚴氣幾時消權棲慈室眷  
頭鏢默坐愁城鬢脚凋懷裏刺餘還自晒枕邊金  
盡為誰要瓦鐺淪茗羈人况隨个哦詩度窳寥

寄兄

結束囊衣赴 關庭馬蹏鬆快似飛星自從九月  
不鴻雁如別三秋感脊令雲樹蒼茫空入望夢魂  
縹緲最難醒嘗思飲興豪無敵安得瓊蘇寄一餅  
追憶大兒秦卓

鬢為驕兒痛欲斑每於修夜想團樂篋中帶有親  
吟句忍向燈前瀝泣看  
不不明夢裏數牽衣展轉牀頭是也非聞說九原塵  
土暗汝從何路到京畿

東迥升上人

勇拋鄉國走京師脚墮紅塵天一涯胡蝶飛開偏



妒夢雁鴻鳴過只撩詩儒家怕喫雲堂釘客子歡  
傾雪屋巒莫對囊中咲羞澀琴書鎮日坐相隨

承超凡惠錢酒連夜旅况甚佳奉謝

不見方兄久應教歡伯疎感師青眼及令我皺眉  
舒磊隗憑澆洗窮愁藉豁除雪窓深燭夜安穩好  
觀書

冬夜

迢迢仙漏不勝情欹枕煩紆夢未成官寺從何寒  
犬吠鄰家賴有老雞鳴新鮮雪片穿疎牖璀璨燈  
花落短檠坐向火函閒意思亦如幾仲賦瓶笙

書興

十花池內寄清吟夜夜詩音雜梵音老雁喚回羈  
枕夢寒梅開動故園心灰藏炭獸鑪煙細燄結釵  
蟲燭淚深惆悵子期千古後高山空鼓伯牙琴時讀

子德太  
史詩鈔

喜夏酉山見過

寒冬跨衛來京畿僦寓暫假僧寮棲紙屋油窓頗  
淨潔地鑪火煖猶深閨手把簡編破岑寂探討直  
欲窮端倪奈何妙諦不能得阿誰爲我指塗迷酉  
山先生稱哲匹一雙眼大渾如箕晨夕盤桓坐促



膝勿憎頑菽歡提撕苛禮悉捐甚脫略未除戰氣  
尋敲棊和余詩有未除戰氣尋棊壘乃落第憤詞也楸枰鋪張鬪黑白  
後先下著衡高低子聲飛響玉蟲落周遭環衛同  
兵奇忽爾虔劉闢堅壘在旁觀者驚神機先生奕  
興少微矧先生詩法當師資只此吾曹足懌悅世  
間百色徒爾爲

答酉山見懷即次原韻

僧廬苦索莫賴有疎鐘聽知君披文菀呵凍手不  
停我才愧易竭亦正如挈瓶詩學徒面牆安能窺  
員靈日來中寒氣誰過叩禪扃幾同病鶴看嬾於

梳修翎

論詩示錦西

詩於澹澹見深功斧鑿痕多欠渾融個個都言奇  
最好傳神却在不奇中

十二月初五夜作

爲背聲塵坊曲居年華瞥眼又將除宵寒煖借三  
升酒家遠愁牽一紙書月色微茫僧院澹梅花消  
息薊門疎吟詩漸覺投囊富誰過敲推特起予

初九日爲內弟松崖舍人賦

自從歌薤露閃忽兩春秋地下依元宰闡中泣白



頭但看松是宅誰信玉爲樓旅夜無聊奈邗江感  
舊游

移居別西山錦西二首

侵尋不晤輒縈懷何況三條綫隔街蚤晚鬪茶宜  
有約莫令鐙竈費安排

緣避喧囂卜一居豈甘心與好仇疎客中風味君  
知否不過琴書載短驢

寄懷北溟同學

廿年孤陋藉多聞誰似情忘爾我久棋局最遲彈  
一子文場偏快掃千軍自從折柳騎驢背每到看

梅憶雁羣遙度素心圍火坐巍峩晨夕醉醺醺

雪天漫興

雲葉彌天墜愁縈逆舍人凍髭堅比鍊冷面白於  
銀鴉舅啼瓊樹獨兒戲玉塵辟寒香底得端藉酒  
生春

廟市盆梅

小葢疎枝爾許鮮一盆斗大市錢千雖資火力烘  
教放到底人工欠自然

除夕

晷運今宵盡風埃滯異鄉下泉悲怙恃清泪濕衣



裳路隔三千有年催半百將遙知煩覬問經處累  
糟糠

壬辰元日

斗柄東皇轉風光慰眼新儘餘殘歲酒偏少故鄉  
人柏葉銘難繼柀花頌莫陳門前迎曉日隨例貼  
宜春

蘇亘虹孝廉公車來京付余家郵喜而有作  
黑甜我方酣小奚報客至困睫隨摩挲昌披迓階  
次風采儼神仙雍容就坐位暄涼且勿通問有家  
書未片紙出袖間云是山妻寄封固那易開先看

平安字

躡燈詞三首

明月千門晃雪堆銀鐙萬樹燦花開轟轟喝向春  
棚過不避巡街御史來

粉黛叢叢爾許嬌犀丁去抹恣消搖不  
男喜豈爲看燈故走橋

金吾弛禁快如何玉轡雕鞍襍綺羅共說今年燈  
式好先從菜市鬧中過

旅夜

修衢通仄陋入夜靜無譁明月客千里故山天一



涯淺深浮竹葉寒暖驗梅花音息憑誰寄殘更夢  
到家

新吟改罷彈忽雷遣興

托跡塵埃裏游心朱墨間鷓鴣杯養味鸚鵡硯磨  
斑調脆雞筋譜詞絲栗尾刪不知聲利客能似我  
偷閒

春寒

鎮日門重揜東風剪剪吹花嬌紅放嬾草嫩綠抽  
遲積雪淤牆角層冰結硯池裘衣剛典去裋褐儘  
堪披

春陰過趙恒夫黃門寄園有感

久不名園過誰知暗鏤深繇花籠宿靄小草潤重  
陰寒氣雖然薄春光底處尋追陪如隔世悽絕感  
人琴

春晴遣興

贈蹬棲窮巷時關兩版扉豈惟詞客少并亦酒人  
稀雨霽花舒蕊風輕蝶曬衣眼中幸有此差足解  
愁圍

郊外看杏花

不問他鄉與故鄉尋花總只爲春光詩佳是客推



元白村好還誰說趙張紅雪亂飄千片艷青帘斜  
插一枝香風情可惜風塵藪爭似臨溪出矮牆白香

山有趙邨杏花詩元  
遺山有張邨杏花詩

寒食偶出郊外

屈指韶華百五逢驚心為客感飄蓬鬪雞紫陌喧  
京邸畫鴨朱闌冷鄴中香轂碾開芳草路紙灰旋  
起野棠風纍纍高塚麒麟卧漉泣看人拜掃同

寄妹

宦遊淹薊北離夢繞淮南興况亦何減蹉跎殊不  
堪黑絲紛變白苦味少回甘多謝濃花寄深情負

遠慙

喜晤胡秋潭茂才

自昔稱相知不必生同時或千古氣合或千里神  
馳我曩交先生情投此頃篋非獨為我交兼為我  
兒師豈但兒受業我亦常問奇近者學稍進皆仗  
攻瑕疵邈然阻雲山落落嗟睽離昨過考課院東  
曹偶遇之乍接喜意外既喜還增悲喜各陳積悃  
悲迺悲亡兒別來恍一夢往事何堪追

晤三原董潛齋世兄二首

才邵追前流華池名赫奕讀書萬卷奇養就冲霄



翻先君曩衡文珂里裁玉尺試子屢冠軍暗中爲  
摸索品題成佳士羣髦俱辟易岐黃本家傳豆疹  
辨順逆一見輒了然救人以千百我有小兒女愛  
之同珠璧猶記當暮春正遭此危厄或火大而紅  
或氣虛而白其時與先君俯睇驚落魄醫者胡紛  
負倉皇靡所適惟子析毫芒藥餌投旦夕瀕死能  
回生轉愁而怡懌彈指廿餘載迢遙關山隔無便  
申謝私何從攄悃積詎意走紅塵班荆坐紱陌子  
初不識我我亦不子覓幸遇秋潭胡爲我言厯厯  
否則各相拋幾乎錯良覲

良覲天假緣原非意所料悲喜須臾間恍然一夢  
覺爾齒艾而餘丰姿敵英妙即爲邑大夫嗣武西  
門豹得展剖劇才正自如醫療我年未始衰漸覺  
改長額家學罔克承陟岵空嗟悼闕博微官浮  
榮竊媿笑宦途海樣深詎容塵足蹈次舍艱桂珠  
精神被消耗古人七不堪今我四無告潞河張使  
君瀛洲先生善政齊邢劭膺融舊通門世講忝同調渠  
脚踐青雲我身處洿淖聲望重寰區莫繇聆立教  
心輒願負牆敢輕言鼓棹仰丐作曹邱齒牙爲先  
道勺水養潛鱗潤澤霑鴻造匪惟頓窮愁兼可免



聒噪

時索逋甚迫

此情紳帶書瓌弱豈陳報

寄梅嶼一百韻代柬

繫余外弟昂人眎潘楊俱盤桓廿餘載契合如連  
株羨爾美才華盛名冠應徐詞壇標赤幟單慧敢  
睢盱曩獻清平調 至尊停鑾輿溫語詢爵里異  
數傳東吳因茲望愈重舉世稱鴻儒意必旌弓賁  
物色來蒿蘆那知取衆忌謗缺遭無辜青蠅點垂  
棘浮雲翳太虛精衛平瀚海泪拭申包胥屈指已  
八稔遷斥猶犇駒追惟且幅億矧在顛危初客夏  
記把握家鄉正旱枯蔭戶紛逃竄竊恐疇荒蕪積

窮儲瓦石善富較錙銖慨慷孰仰賴旦日憂薪芻  
苦被食指累坐令身囚拘一切頓廢棄遂於周親  
疎爰登姑母堂叩問爾起居云爾駕扁舟十幅懸  
風蒲舍舟踞山臬靜攝謝絲拏治章句帖括咕嗶  
忘辛劬大江流眼底胸境彌寬舒乘便破浪去翠  
網探明珠美價傾上國休寶僉誇譽豈伊慰堂室  
亦足光葭莩奈何竟暗投玃瓌委泥塗我方理征  
橐決計拋妻孥搯擊數噴息商飈侵頑軀重九始  
正策愛騎秃尾驢帽簷插金菊杯面浮玉蛆消磨  
好節候隨處尋驩娛望前薄芒邑特造供奉廬

李槃



隱太史 德輝願一覽展我心鬱紆翱翔下千仞老鳳

攜雙雛九苞離丹穴五彩隱邨墟網繆變垂刺駭

汗衣霑濡生憎路傍觀帶月催擔夫顏狀劇頓顛

鬢髮慵爬梳疲蹇輒欲卧微逐愁赳赳費殫跋涉

力廼戾汴城隅父交有岳牧王賓與潘司 奏刺宜鳧趨

顧循定淹款折節迎飛除又舉鷹揚典眊令張亨

衢內謁不爲通枉勞我曳裾幸而荷倚樓趙仲林學憲

渥洽憐羈孤既錫銀鑿落還須竹孚俞濫叨榮旅

次珍幣侔瓊琚否則甚眇默行暉惰奚奴術阡半

古跡度越咸名區未易開蚓竅總緣腹不腴小春

叢修門僦屋依佛徒佛香時入院天際飄鐘魚朔

風吹衿翼凜厲皴皮膚怯寒就禪榻學者臘跏趺

火函熾石薪茶串烹臯盧雞棲慙寐晤對惟歐

蘇子瞻尚洪濶永泚歸敷愉兩公各擅場咀齟堪

師模靜專得三昧忿溜憑我攄聲詩漬成帙遑計

研精龕每老鍾期邇索處掀唵鬚托梁月繾綣誦

停雲踟躕螭看迴腸谷品彙爭剪與元猷諒益懋

佳况無時無芳園拓百弓援鶴閒招呼煙苗與露

甲長鏡栽畦蔬牙籤插鄴架吟咏連朝晡頻付驥

子讀其樂爲何如此之營利祿真有霄壤殊遐緬



卒難遣卜醉黃公壚步履里所街解后新安朱百  
才手捧瑤華字啟緘恰當渠上言爾德游甲第全  
崔盧芒屨蹋軟紅曠觀天王都囊裝罕長物笥衍  
饒奇書林立紳笏間知舊應交孚倩我作介紹爲  
彼廣吹噓絕無不外干勺水相窺覷聊假舌本畊  
期收硯田租屬者英豪域肉眼洵模糊我來五閱  
月仄陋希高車誰見監河侯貸粟飢得舖誰贈司  
業錢免教羞澀呼誰肯遽推轂溢格能提扶誰見  
東閣留珍饌綺筵鋪幾欲效處仲如意擊唾壺百  
川通聲氣卓躒遠超吾自多水乳諧勿致嗟窮途

但我判佐微累歲移文符仍然稽往牒蝸角寧輕  
圖垂訊微篤念感至轉欹歔終南鬪巧捷私路非  
迂愚媿嬰亂衷曲佗係搔頭顱黑甜困春晝離夢  
飛常問不若守幽介安恒度居諸房櫳設棊几六  
籍恣畋漁敲推遞嗣響泮渙償詩逋逝將動歸志  
買棹過巢湖

放歌行

我欲剪斷千絲愁不教時結雙睂頭我欲追風乘  
快驥迢迢家山一霎至我欲洗除輓紅塵纖毫不  
浣人衣巾我欲挽回造化力皤然白髮忽轉黑我



楚香亭集卷三  
七  
欲書樓起崔嵬牙籤甲乙相編排天涵地負罔弗  
該絳帷坐卧勤繙開壑倒鄴侯三萬軸即此便與  
仙真儕

郊原即景

帝鄉籬落故鄉同曲徑橫橋罨畫中菜甲有情含  
宿雨園丁無力捍顛風狺狺小犬柴門護灑灑清  
溪柳陌通最好酒帘搖曳外西山一抹夕陽紅

月夜邀友人小飲席間聽彈胡琴

雲去天空玉鑑明光陰可愛坐深更稽中散後無  
斯調穆善才今有此聲良夜正湏浮白醉詰朝還

約踏青行情君放出曾綱手壑倒崑山子弟名坐中  
有云某優絃索  
最為京師馳名

遊春

最是撩人物色佳晴薰雨醉好花開誰言薊北花  
叢冷儘有吳蜂越蝶來

聞雷

閒憑曲几興悠哉忽有濃雲壑戶來 帝國一春  
稀對雨客窓三月始聞雷自然鶯鳥啣愁去無數  
桃花帶咲開不管東阡與南陌吟邊且要洗氛埃

即事



紅塵大道儘忙忙消得身閒白晝長  
砌雨斜侵茶竈潤餅花暗落硯池香  
因尋老衲彈棋約便就賢鄰索酒嘗  
肯爲殘春增悵悒原堪隨地領風光

飯後閒步

竭槩窮鉛一味癡消搖散飭恰相宜  
遊絲難縮春歸脚飛絮偏黏客恨眉  
花罇粉濃酣蜨使柳梢聲滑憇鶯兒  
歌樓酒市行都遍急足還如年少時

眎家奴不至正坐悶間適錦西酉山  
過我寓齋留酌二君素不喜杯中物  
余亦不善飲未三巡而主人已沈湎  
矣因作此志之

正是羈人攤飯初門來二妙慰離居  
風狂北地鷲晚嬾春老南天雁影疎  
醉裏渾忘醒裏客眼邊猶認手邊書  
索近吟及舊草相看莫訝詩才退  
一片愁心懸故廬

閒步

日永曾誰過春濃且自由尋芳花市  
路卜醉酒家樓但得纖毫爽堪遺一  
半愁西山啣夕照霞采飮雙眸

晚春書興

棲身小屋似籠禽不見晴天只見陰  
縱爾文河翻



舌本其如愁海溢胸襟有家蝶夢常時到無迹春光底處尋我亦欲歸歸未得落花聲裏故園心

睡起偶題

藜床土屋費安排竹簟紗幬新展開豈但酒為籬裏伯果然書是睡中媒三千客路何迢遞一霎家山任往來不有乙禽閒聒絮黑甜鄉正好衰衷

初夏同漢昭閒步

東君一去杳無音又際清和節序臨黃鳥最宜新綠喚青鞵難受軟紅侵儘多芍藥花街賣花兒絕

少枇杷果巷尋

果子巷

試看西山似圖畫重重翠色

染高岑

與賣花人問答

江南稱花藪百卉街頭賣獨於錦繡根芍藥也不肯

視一概市虛屢經過見伊如挑菜筠藍幾十枝紅

艷殊可愛畢竟何許來云自豐臺內豐臺品多奇

午橋莊尤最宛平王文靖公亭子鬱嵯峨周遭相映帶游

衍劇紛紛趨此時未敗途路里所間右安門之外

瓶中芍藥

花頭的皦露珠團碧股黃絲錦繡攢何必沙畦千百朵一瓶儘有好枝看



奉陪介亭林亭兩先生豐臺看芍藥有作

節過婪尾風日佳南郊共約遊豐臺看芍藥有作  
款段帽簷數點飛輕埃詰曲寧嫌野徑仄輓推却  
慮浮梁頽蕩蕩桑邨小盤礴宛然圖畫同江淮牡  
丹近侍得未有茫茫錦障參差排各攜杖頭做宣  
子綠陰濃處青帘開便經相國好園囿欲憇時霎  
傾尊罍閣兒峻拒不容入遁巡籬外空低迴

花最盛者

文靖公園時  
主人方宴客

高趣餅師頗解事生涯拋却能相偕

一路導引訪別墅紀家亭子胡崔嵬舍車徒步詣  
亭畔主人揖客歡顏堆就地跣趺儼緇侶老春斟

酌誰謙推煙苞露葉隕清景雕梁朵朵欹當階香  
吹酒面都轟醉醉中嘍喏忘形骸委巷半年苦幽  
獨探奇何幸隨鄒枚邱壑平生所癖嗜况逢豔友  
宜舒懷愛花百匝繞不厭正如蜂蝶成憨呆那易  
其間結茆屋與花爲伴頻徘徊花乎花乎善自惜  
莫惱封姨驚慘摧曜靈落景暫歸去明朝興發還  
尋來

席間率成長句奉贈林亭

龍眠間氣毓賢豪與我耦意稱心交忠讜英聲載  
汗簡東南閱推君高昆友於世號麟鳳一枝綵



筆千夫超挾策騎驢走輦下香名騰達驚時髦身  
厠虎闈開講席便娟卿子資鎔陶骨節珊珊點塵  
絕玉人裴衛咸誇褒齷齪庸兒那許顧貴游繼踵  
相爭邀萬斛珠璣屢傾吐光芒直上通招搖婀娜  
才華定知遇曲江餅燄紅綾包奈何文場戰失利  
赤手脫却中原標宵次灑然無拂色歌樓飲社彌  
飄飄阿陽舊冬亦戾止天假良覲非人要欲發狂  
言苦不禁勝如背癢逢爬搔僻巷杜門守岑寂笙  
鼓響合來喧叟令弟樂三孝廉採取蕪詞就哲匠思乞快  
斧爲芟薶疑以繇苛生鄙棄翻加浮獎情難逃興

劇焉肯辜景物遊鞵愛蹋城南郊眼前小畫孰烘  
染半肩蠻榼平頭挑芍藥廣畦逞絕態歆風醉露  
尤研妖占地啣杯愜清賞結跏大類僧參寥莫謂  
恩科僅一舉時求開萬壽科搜求遺彥宸衷勞花萼會  
須入內史頡頏蒙載傾盈朝斯時之樂樂應別瀛  
臺玉竦連金鼇神仙中人罕匹偶睥睨關罅真鴻  
毛

南郊雜詠八首同介亭先生作

城裏緇埃撲面吹城南景物足舒眉水田一帶僧  
衣樣只少披蓑跨犢兒



伊川風雅冠人曹官以清閒興愈饒爲愛看花介  
秩奉何當浮賤亦招邀

連錢爾許擁朱輪不比等閒遊覽人怪底繇華好

園子郎中家是舊平津

先爲文靖公別業  
近屬與三刑曹

出門野曠覺天底隨介孟槃付小溪最是教人行

樂處濃陰宛轉粟留啼

北垞南岡任意過籬邊紅藥眼中多家家栽得花

如錦陣陣香風入綺羅

繞麥穿桑一徑深柳魂花魄細追尋茫洋人海盤

渦裏難得抽身取次吟

危亭孤峙水中央荷葉周遭野趣長三十年前曾

此憇岸中小立嗅清香

祖氏  
園林

流連花事惜匆匆歸路紆回薄笨通一幅丹青殘

照裏 帝鄉城郭萬家紅

次韻介亭先生同楸亭豐臺看芍藥襟詠

誰暈燕支朵朵鮮以花爲業作花田紫泥草罷吟

紅藥想見風流白樂天

雙鬢堆鴉小鳳鬟分明玉女在人間如何只尺天

台路竟作蓬萊縹緲仙

過祖氏園爲遊女  
閒玩可望不可入

襯地攪瑜憇錦茵紛披白木冑紅塵名園不負看



花客高趣偏逢賣餅人

脫略形骸次不介芳茶綠酒對殘曛嵇康何幸山  
王共但惜林中少此君

甘蔗

賣蔗鄉風憶故園小盤釘銀市兒喧苦嘗客味無  
佳境安得來如天酒吞

午日偶成兼懷端兒十歲

又際蘭湯初浴時榴花如火隔簾窺囊空未辦菖  
蒲酒几淨惟存芍藥詩插艾他鄉為客子懸弧令  
節憶吾兒遙知小隊追陪候定學參軍蒼鵲嬉

風息聞鐘

豪橫風威到晚降卷簾破悶撥明缸耳邊人語家  
鄉別惟有噌吰一樣撞

生日漫成

蟻程未就曷堪言耽住蝸廬且避喧誰是監河侯  
貸粟憑伊索逋客敲門齒牢端賴青鹽拭步健全  
虧黑豆吞說到桑弧懸此日流光可怯似飛奔

胸中煩憂仗酒消之戲作

長安若干地誰肯容埋憂記來半年許夙夜纏心  
頭攢着作山字挂面勝贅疣琴書不能消鏡中絲



難抽居然成敵國與我爲寇讐敢借將軍勢猛力  
施戈矛

寄長壻查五漱六淮上

女倩最爾賢思爾非一日迢遞隔淮濱兩年何閃  
忽知爾奉椿護晨昏歡繞膝伯亦昆弟間禮罔絲  
毫失內行克修謹定然光闕閱弱息自于歸更聞  
調琴瑟能體姑嫜心足令父母悅赤脚致郵書老  
妻言甚悉憶曩贅吾廬百凡俱草率爾雖不我咤  
我益顏汗發我今爲浮榮去秋赴 帝闕四顧伊  
誰投厠身維摩室刺字藏懷中斟酌弗輕出乏米

甘忍飢慵向豪門乞豈不願逢迎平生具傲骨除  
授多變更功名未可必奚堪苦滯淫胸次填抑鬱  
旅况底遣排晴窓時弄筆聊且作游嬉姑勿論工  
拙便羽特寄將臨池增哽咽

憎鼠

跳梁性黠本區區豪橫欺無白雪姑高下成家何  
狡獪玲瓏鑽穴只須更世間那得張湯劾匣裏空  
傳許邁符底事太倉偏不去頻來小屋耗盆儲

與義齋論奕

著棋如用兵鬪智不鬪力殄夷務戒貪斤斤亦可



克布勢尤宜寬慎勿緊相逼一著欠熟審母怪乎  
三北先生奕已精尚欲指迷惑我非李重恩茫然  
無所得石室秘藏奇當取以爲式

吟後偶成

日日埋頭業小詩澹生活是一生奇憑余脚踐騷  
壇內作祟爲魔總不知

對西山

簾罅盪晴暉孤煙澹空碧氣爽疊夫容遙岑何奕  
奕我欲快幽探巖壑從所適不攜李賀囊不蠟阮  
孚屐止載一蠻童雙肩挑驢伯歎歌萬仞巔俯視

緇埃隔

九月二十五日漱六至京喜賦

憶昔贅吾門正際二陰月息女慙綠窓百年締頽  
頽隨意辦資妝儒家風味別槃桓抵冬初興趣何  
潑潑不爲禮法拘形骸殊超脫藹焉戀庭闈歸志  
堅莫奪朔飈慘以悽載塗飛玉屑行子不畏寒一  
騎乘走血旋里半稔餘我纔赴帝闕旅次罕所  
知中懷常鬱結每勞魂夢間醒向奚兒說節序過  
重陽好景猶未撤花開黃金錢嬾看東籬發有人  
傳到來疑似渾難決得朋已足驩况迺冰清列譬



如舟獲艣又若車合轍離緒且漫言洗塵須麴蘖  
贈潛川謝公子雲客  
一接客兒面知爲當代賢文峰尖似戟學海濶於  
天骨傲寧甘棄囊虛不乞憐時宜何必合風望已  
堪傳

秋日寄內人

纓縻一稔餘遐緬介雲山心情藉不聿描寫烏絲  
闌宦途有捷徑趾蹈亦何艱徒自苦筋骸致令玄  
髮斑西風號萬木眼見三秋殫所慮裳衣薄無人  
閱我寒詩成日已夕羨彼飛鳥還

過婦翁相國李文定公寓有感

心內有平津過門仍下馬屋是人則非潛潛淚盈  
把

季冬望後二日寄內人代書

記昔別夫孃次辰即重九上馬控鞭絲孰忍頻回  
首迢遙隔山河閃忽彌年久世事殊艱難功名費  
織紐懷抱自騷屑面顏如老叟貸米人何稀典衣  
券却有仰屋輒興嗟潛潛淚盈肘所幸大節全不  
習曳裾醜緒風號簷楹殘月上戶牖遙懷托短歌  
強把一杯酒



除夕同漱六作

到日東籬菊正鮮  
梅花小弱又殘年  
門題鬱壘吾何懶  
杯泛屠蘇爾自先  
一夜干腸歡共吐  
兩家骨肉遠相牽  
明春踪跡還如舊  
定買金閨鴨觜船

又口占絕句十六首寄內

每屆年終例省墳  
楮錢驢背挂紛紛  
關山路梗松楸失  
悽咽南飛一片雲

多蒙母姊錫偏提  
日買中山付小溪  
不有一杯見春色  
從何處覓辟寒犀

千里裴裊托鯉魚  
愁眉泪眼恰相如  
曉風殘月伊

誰句細字斜行得得書

寄古詞一闕無名氏上二句乃詞中語也

頽兒既愛學詩章  
帖括餘閒亦未妨  
但欲個中造

三味須知不是索枯腸

壤子關心是阿端  
憐渠冲蕚最癡頑  
幾番細閱書中字  
大別塗鴉足解顏

元女頻傳尺一來  
姑嫜善視放遙懷  
未知我入春明後  
曾否廬兒特地差

蛺蝶翩翩廟市花  
渾身金碧簇紅紗  
都言插處宜

雙鬢因裏幽絨寄小茶

唐人以小茶為小女美稱

複幕重簾佳句探  
風號雪虐興何酣  
逼真鱗甲肌



膚起不讀韓詩也不諳

舊雨官階望最隆登門無異謁文翁懷間漫刺真  
堪歎何怪當年劉魯風

火床習慣半跏趺温足何須買錫奴幽梵清鐘時  
入耳宛然衲子坐團蒲

豈但囊虛色色乖心曾遮莫念俱灰出門那是埋  
憂地眠榻聊為避倩臺

老大書生欠面團能當日夕抱憂端只今巧墮天  
公計深悔從前買一官

百般疲繭待平頭如旱農家望有秋結過釵蟲虛

報喜啼殘檐鵲轉縈愁

土屋相鄰蕭寺邊誰不充壽益悽然詩囊况復空

如洗欲祭輸於賈浪仙

故人充壽能不送  
陶除夕謝人送酒

偶揩青鏡照頭盧顏狀依然是故吾門第未增新  
氣象懸知慵換舊桃符

羈人底趣掌中杯消遣良宵書一開至愛江東詩  
句好別愁如瘡避還來

奉寄外姑

自別慈輝一白餘雲山極目涕霑裾蟻程未就辜  
期望蜨夢時尋費展舒

瀕行蒙  
賜佳筆

髮短秋風新病後



囊慳旅舍舊交疎非因妄意酬恩重幾跨南來禿  
尾驢

楚香亭集卷三

楚香亭集卷四 旅齋集

合肥許夢麒仁長撰

寓歎示漱六

泥塗阮貯有誰逢潦倒堪成短髮翁一釜藿羹貧  
士味數匙麻粥野人風論叅蒙叟知齊物文讀昌  
黎解送窮莫笑青煤賒不得乾難秋浪地鑪紅皎然

詩秋浪恰乾薪楚人呼養菰爲秋浪

書壁

世路誰曾慣歷經諳來渾似醉初醒顏因負債添  
新赤鬢爲憂飢失故青入夢救廬何迤邐移居窮



卷轉安寧最憐佛閣齋鐘動清韻徐飄隔院聽

感詠

春日已射西山西老鴉猶作寒聲啼客子掩卷發  
三歎仰天無路尋階梯終朝鬱伊面顛顛何情陋  
巷甘依棲况閱宗武寄書尺上言苦累糟糠妻變  
更先人舊產業涕出不覺心酸嘶丈夫窮達關命  
不達者霄漢窮塗泥我今失足事大謬誰肯隻手  
相扶攜徂年如流消壯志安能鹿鹿隨輪蹄弗若  
急擺名利鎖免令骨肉嗟垂睽

錦西善隸書口占絕句贈之

書家古隸推程邈散隸還當數衛恒不料研光小  
本上如今更有李陽冰

懷黃谷二首

如君磊落萬人姿羞殺等閒庸碌兒怪事撐腸五  
千卷何曾療得一介飢  
愁絕天涯此寸心鯉魚尺一重南金不知黃墨工  
夫暇還取方書細檢尋

夜坐

孤燈耿遙夕豈忍投匡床繙我几上書泛我壺中  
酒世間極快意一飲讀十行青編有奧理難以遽



周詳呶唔百許過颯縷不微茫迢迢玉漏沈鶴燭  
漸無光奴子笑迂濶膏油不肯將顧謂我始衰竊  
恐目力傷主人便勤學未必如孫康此言大可聽  
捐棄仍加觴

有感

欲轉頭銜轉不能年來兀兀復騰騰時時唱望江  
南曲何異仁王寺裏僧

癸巳二月特開 萬壽科書百因有炊白之

戚抱恙不能與試深為悵然作此奉慰

儲案家聲舉世聞登壇久已霸斯文頽波力挽誰

同調僞體能鋤自軼羣不意閨中泣潘岳還教海  
內困劉蕢生花一管虛攜得可惜撐曾萬卷絲

食後戲成

年來事事觸愁機何日纔唵驩喜詩酒肺那如徐

晦渴却能安穩沈家脾

杜審言為吉州司戶武后將加擢用問曰卿歡喜否

審言舞蹈謝恩因作歡喜詩見職官不紀徐晦嗜酒沈傳師善食楊嗣復云徐家肺沈家脾真安穩

取見語林

鬱鬱

鬱鬱金臺兩度年家山迢遞日相牽雛孫不識從  
師否穉女應知仗姪賢排悶每將碁作陣繪窮端



借筆如椽殘陽又見城頭落白望音塵幾眼穿

儀曹介亭先生輓辭四首

聲望朝班甫見推消搖箕尾忽然騎曼卿自是芙

蓉主太傅空傳芍藥詩曾味芍藥斷句十章夢醒黃梁猶未

熱情牽繡襖頓相離小郎君留銓部謝公撫育最堪一痛輶輶

去弗弗春風丹旄吹

二十年初籍未通呼羣嘯侶雅追從酒杯豪放端

無匹詩法深嚴果是宗有興輒酣教弄箏奚兒善箏先生

性癖好之何時不聚待鳴鐘光陰電速成前事只好南

柯覓舊蹤

春明永別早朝雞譬若歸休隱故谿漫灑沈瀾緣

請命壬午虞城水荒以蠲賑虛捐精力為防隄黃

泣為民請命至今頌之水決急請河撫兩臺發帑修築始慶安瀾但知劇邑多年宰誰信清風

滿袖攜此去佳城無用覓燒缸地好草萋萋微之詩他

時定塋燒缸地

華髮仙郎逝溘然白頭衰母望虛懸數椽縱有依

城屋二頃曾無負郭田粉署諸公誠慷慨麥舟高

誼薄雲天獨余囊橐慙羞澀一束生芻備不虔

再送靈襯南回

前年喜我至京華調撥楓香興倍加坐間命小奚彈鞞淩楓香



調乃聲 今日送君還故里歌哀薤露涕無涯常羊  
湊曲名 白玉棺中客冷落青松宅畔家再向午橋莊上去  
陰邊誰更側烏紗 曾約往文靖  
公園亭看花

送仰山扶尊公介亭先生襯歸陸路至濟寧  
買舟南下

驟雨盲風正此時柳車相送益悽其亂山古驛有  
歸日柔艣輕帆無定期丹旒麻衣攜弱小 謂令弟素  
惟苴杖奉尊慈誰人得似孤兒慘較我當年更可  
悲

短歌行示漱六

莫謂身全貧架有一囊書莫謂腹苦飢盎有一斗  
儲古人什九遇軼軻今我焉用頻嗟吁試看寒灰  
埋寶鏡千秋鬱鬱光不渝豐城之劍出地底騰空  
直與蛟龍俱兩者神物變化不可測我曾暫時連  
蹇寧終困泥塗

蘇叟過我留宿

盲飈忽怒號淵海緇塵沸杜門坐書癡勸我聊假  
寐剝啄來髯翁殘暉已下地穀日飲翁軒禁煙節  
又至方洋羨歸鴻歲月駭奔駟憐翁好丰姿覺我  
彌頓頽彼星家者流魚鱗列坐肆若以較低昂應



知香亭集卷四  
五  
推翁一位苑枯判指間斗宿羅霄次進人與退人  
直言非虛偽百中失二三李脆梨可嗣每爲王侯  
欽豈獨公卿貴况有寧馨兒堪稱千里驥眼見走  
青雲得攬黃金轡乘暇且槃桓出城良不易旅橐  
慙蕭條行厨乏甘脆所恃鮑子知諒我勿我棄

對月偶成

闌干徙倚對晴空虛上夫人在眼中何用別開蟾  
閣鏡班家扇樣已精工

遣興

細改囊詩消白晝閒臨閣帖度青春課雖冷澹多

滋味遠勝紅塵插脚人

夜坐即事

兩歲顏猶故三春鬢已華無情看月色有意護燈  
花醉裏忘爲客愁中却戀家西山明日去恐不似

朝霞

家鄉山名友人約遊西山

午後書興

自憐爲客久歸雁故鄉情貧覺身無累閒看眼亦  
清遙山低夕照古寺遠鐘聲長物添詩句奚囊也  
不輕

懷印浦先生閩中



一從槐夏布瓊牋消息何稀不浪傳薊北輭塵誰  
受得閩南佳地足留連江淹才調存胸次謝混風

華失眼前莫以輕紅誇玳瑁三春珠顆尚肥員

杜詩

輕紅孽荔支玳瑁出福州城東色紅有  
黑點類玳瑁京師蒲桃自夏至春不絕

愁

最無聊奈此愁何而况城高十丈多除是將軍能  
破得秀才安可奪蓬瀛

喜酌美酒

夜夜挑燈恣拍浮一杯差可浣羈愁雖然不及夫

容國鳥程也勝孤邨小市頭

季春西山雲客兩同學邀遊陶然亭即次驛

問江魚依水部韻

春暉剗射疎簾上春煙未散誰來往忽報羊求款  
我扉啟戶迎階各抵掌憐我侘傺滯京都約我蠲  
歌勇追趨我與二君迹已熟形骸脫略忘疎虞嗟  
峨亭子雞園內周遭清爽芟軒于百雉高城亭對  
面城頭應落扶桑烏文通昔遷宏父職專司厥政  
督埏埴陶家甄者胡紵負瓴甌輝煌殫厥力公餘  
慈室且安便就茲結構欣逃禪窓明如雪地如洗  
那有半點塵冲天是間大可列廣席西南一幅山



橫前恨不山能移左右快聽巨瀑飛寒泉樹色離  
奇儼圖繪丹葩綠葉相牽連茗椀鑪香置幽雅詩  
筒詞版區蚩妍宏父才華敵居士白香山先生長謠堪  
勒貞珉堅爾馨殊尤之境畝宜乎卓楔標陶然我  
也何幸隨至此寫韻呼僧揩漆几二君倒峽妙詞  
源慙我無夢飲江水澹紫斜陽照廠門滿窗風逼  
松煙起與其小屋頻殿屎莫若佳亭恣攀倚倏眇  
蟾彩下遙岑同詠而歸毋廼是况二君名指顧間  
即入淡墨瓊書裏言出肺腑非緇牙不禁顛狂發  
新喜終日籃輿玉轡忙爭得清閒步游矣自今驥

足慵心馳欲叩瞿曇借一枝亭中浮白舒雙眼好  
看鶯花爛熳時

讀酉山陶然亭詩倒用前韻贈之

飯餘一枕黑甜時封姨不動清軒枝亡何有鄉樂  
莫樂隨我舒肆心神馳先生廬兒走至矣手持巨  
幅沾沾喜爲言主人翁寄聲白雪篇在烏絲裏莊  
誦陡教澀眼開崔嵬亭子宛然是世間糠粃悉簸  
颺近知門戶昌黎倚耐供齟齬勝甘藷能勿拍案  
驚奇起全用記叙法爲詩寧比尋常詠山水高懸  
旅躋燦珠璣四射光芒獨盈几三刺八叉推捷才



到沆温岐無彼此工部楚音久寂然刊珉宜砌雕  
牆堅魚依先生有石刺嵌壁間屬者游鞅蹋春草城南春色詩

爭妍斷有詞客蘇黃輩探春讀句相流連讀到快  
心縱揮灑自如渴驥奔流泉憶昔舟維虎阜側豪  
吟霑醉滄浪前迄今彈指十五載夢魂猶覺依吳  
天猥邀挈我青蓮宇老乏支遁堪談禪索筆題詩  
亦韻事大開口笑誰便便伊余此道屨著力類彼  
陶人工磨埴生活雖淡滋味長課程盡我儒家職  
出門西日將墜烏肯學性緩董安于斗母之宮不  
只尺插塵兩脚歡飛趨正際無疆祝丕后優場綺

鹿誇仙都須搖聚散疇主掌來却同來往各往未  
識更從底處歸我歸寓廬月初上

斗母宮

難聊坐逆舍害翅羈樊籠徒步任所適仰瞻斗母  
宮勅建方澤畔正迎員壇東斧藻何輝煌宛與瓊  
臺同門前龜蛇池疑有泉眼通綠水生明鏡鏡底  
蟠蛟龍奮起散霖雨八荒應霑克巨璫此偃息得  
非青羊公晨昏禮星斗祉錄所無窮况今桃李月  
天家瑞辰逢春光滿上苑佳氣自鬱葱宸渥如海  
嶽涓埃報丹衷我也忝小臣未能歡呼嵩願隨雲



水士舞蹈叩皇穹

呈亦士仲兄四首

記來風雪冷鞭絲敲石光陰三轉移我爲浮名猶  
不耐君緣底事亦相羈長魚大肉庖難辦綠韭青  
菘力易支疎節迄今成懶癖每逢顏汗透鬢蒼  
本與瞿曇有夙緣因依慈氏愛安禪含情鳥語當  
春碎破夢鐘聲入夜圓蝸角最慙謀日下雁行何  
幸聚天邊定知白雪僧窓富頻寫烏絲旅僻懸  
性喜邨居遠俗塵披衣岸幘樂閒身誰期丁卯橋  
頭客都作長安市上人灰洞難將幽抱展繩床愛

與素心親

與書百  
同寓

何須更結池塘夢步屨時來問

字頻

西方妙境暫潛踪絕勝儒家一晦宮蕭散行歌酣  
杏日淋漓醉墨灑松風寺深却在塵埃裏地僻渾  
如邱壑中大可邪歛軒冕客不將青眼及楊雄

書懷

五十行年矣光陰一刹那不能如少壯空自感蹉  
跎客久了無味囊虛其奈何爐香與茗椀相對儼  
維摩

月夜雜吟



假得新逋理舊逋一椽方許我安居徘徊小院蟾  
光下惆悵高空雁影疎不以肺傷裁罷酒多因意  
嬾故捐書自憐尚覺身如贅寧計困稀五斗儲

暮春貧甚作詩遣懷

兩度春光兩鬢華浮名未就漫咨嗟非當齋日仍  
餐素宛是僧人却有家閒裏工夫裁不盡澹中生  
活趣無涯吟鞵準備遊芳草肯像年時蹋落花

讀王龍標先生詩集有老來自喜身無事仰

面西園得詠詩甚羨之因成一絕

饑爨無煙興不佳嗟鞵况復蹋氛埃何能得似西

園主高詠新詩仰面來

漢昭每過余言城南古刹中有松怪甚欲邀

往觀代柬

爾說傍城隈祇園嘉樹栽雖堪傲霜雪未必勝徂  
徠馬鬣纔奇榦蛇鱗亦美材相期訪髯叟莫要是

嬰孩

東坡小松詩山僧老  
無子養護如嬰孩

唵後漫成

脫口哦來意不新詩家眷屬漫相親一篇又了燈  
窓債知是唐人是宋人

示奴子



忽忽年餘離故園空囊將底作饔飧典衣得券歡  
藏篋避債無臺怯打門幾望眼穿徒入夢頻勞心  
碎詎堪言浮名誤我端何益翻不如歸課子孫

手麻枕上作

熒然一燈青耿耿照簾幕睡鄉入亡何枕藉紅鞋  
樂率乎麻人闕似有千金著詘信竟茫然汗流濕  
莞弱厥症底得來大都因束縛窮巷苦棲身軟塵  
嬾插脚閉戶耽危嗟詩腸日搜索血脉原四通玉  
山任穿鑿精浮而神淪是以阻經絡既難施砭鍼  
又不宜燎灼竊恐成不仁舉動弗自若鑿非夏無

且更慮誤投藥此時殊媿嬰隆想費揣度

閱穎兒來書却寄

記我出門重九時鬢邊策策西風吹儵歛歲華兩  
番改頭盧如故羈天涯阿誰監河侯貸米腹空東  
方飢欲死世情變態同秋雲吾道艱難亦至此髯  
蘇特過傳家郵開封喜爾母疾瘳端的爲我蝸角  
謀千絲萬縷纏心頭全家老穉仗二頃草屋數間  
豈舴艋無方經略棄世資奚怪中懷增耿耿詎必  
甘脆始承歡墳箎迭奏舒慈顏從來有得定有失  
安見去者不復還



楚香亭集卷四  
十一  
寄慰內人

兒子馳書來言爾嬰微痾覽書未及周涕下如清  
波平時善保艾總爲我蹉跎寸腸轉鹿轡壹鬱宜  
則那山田二頃餘茆屋三間多棄之固可惜不棄  
將奈何代謝數有定循環理無譌達人試大觀世  
事皆南柯

戲題寓僻二首

貧中趣味妙難言手把青編當綠樽不是官街嚴  
擊柝宵宵并可不關門  
止有空囊伴此身何勞倭子吠狺狺等閒不識蘇

司業爲語偷兒莫笑人

松鶴吟爲節婦查孺人賦

鬱鬱庭前松婆娑高百尺不受霜雪欺堅貞守靈  
珀上棲孤飛鶴矯然異凡翮長存霄漢心每藉濃  
陰益煙霞誰與儔永世逾磐石折丹廼爾虐雲根  
撼一昔孤鶴將安依儼遭千斧厄傷哉孤鶴嗟聞  
聲亦何戚三十四春秋刹那苑枯易慙素垂芳名  
自宜光竹帛

贈池陽呂正功世兄

契交得之子殊覺神飛揚眷端露精悍氣守何昂



藏昔者先大夫衡文子西方瓦礫務陶汰提拔須  
琳琅子能投其好刮垢而磨光前矛暗摸蘇食餼  
名逾香子誠老博士幾遍蹋槐黃合預聞喜宴餅  
裏紅綾嘗胡爲走捷徑蓬塊勞奔忙子視甚坦然  
我覺如太行子即繼潘岳種花滿河陽我實駑駘  
質焉敢思騰驤每過款子扉必快傾壺觴子誠不  
我棄而我汗流採蕪音伸謝悃匪異報瑤章

書梅嶼玉禾堂詩集後

金杯齊梁刺眼多誰能風格似元和平生只愛田  
京兆雅作山人號玉禾

客窓閒詠

日日領春光齋中晝漸長盆花開韞藉簷鳥喚悠  
揚計拙輸人巧神勞覺我忙雲和三弄罷寶鴨又  
焚香

十六夜與漱六月下閒話

強排孤悶倚闌干月影青熒照客寒五十年中彈  
指易三千里外折腰難詩材料理嫌吾拙酒戶撐  
持覺爾寬莫謂蟾光今頓減羈人猶認昨宵看

飲酒次韻元遺山先生二首

利廼害之媒名爲旤之根有害利奚益有旤名安



論自從辭鄉國沈湎入修門惜不逢若輩壚頭相  
與言

咄哉宇內士誰能養天真獨茲麴秀才能返太古  
醇春風吹不倒轟醉彌精神浩歌燕市上擊筑追  
前民

投李澹菴世兄

嶺南有寶安其邑稱名區健令何紛紛繫誰免追  
呼君獨繼二連一座不染滓卓然冰檠聲上考邀  
恩殊屈指朋儔別驚心歲月徂奚能奮短翮削牘  
煩雙魚荷君敦世講割俸憐艱虞抵今感渥洽紳

骨時銘書前年值陽朔跨衛之燕都罷門罕夙契  
徘徊靡所如度君畫省寬可以棲孱軀百端藉械  
蔭隻手干提扶那期暫休澣謁告返常閭仰天發  
嘅喟渾同雁影孤因尋委巷屋托跡待銓除事又  
出意外新例移文符爵里查真偽往還半載餘中  
間多舛錯遂致困泥塗困空掃白粲囊澀飛青蚨  
所披季子裘克貨歸陶朱坐茲懷抱惡頻費我躊  
躇無計得排遣幸交看山蘇晨昏縱闕覽胸境差  
展舒閉戶畏剝啄好仇使長鬚謂呂正功微彼走相報  
焉知稅征車再辱濃花賜汗涿盈頭盧非惟救飢



火兼足償房租情瀾比滄海總爲先大夫篆啣涕  
泗下滂若流襟裾屬者春氣暖幾欲造君廬裳衣  
極褻裂生怕逢軒渠室邇人則遐離索堪嗟吁恃  
君憲量濶應豁恒儀疎

連日風顛偶憶故鄉景况作詩遣興拈得沙  
字因步蘇文忠清虛堂韻

發屋動地還飛沙玄駒收陣范藏衙閉門兩眼睁  
不得有底閒趣耽尋花終日喧唳覺無味令人頰  
首遙思家家鄉此際縱疏爽柳陰小憇看慈鴉紛  
紅駃綠春爛熳枝枝鞞鞞皆香葩吻渴乞採向農

父出擎大菊克名茶僻間社鼓取入手一時興發  
歡慘過或偶背癢坐衙闕毋妨即倩邨童爬爲何  
野致輒拋却反受溷濁生吁嗟聞說西山饒異境  
山巔逝陟食晨霞

### 詠賣花

塵街希野卉廟市盡名葩素艷凝寒雪紅嬌奪晚  
霞簃頭宜惹蜨掠鬢可堆鴉還是東君巧人工詎  
足誇

各色名花開不  
以時用火逼出

### 望西山

名山限塵寰只尺不得登每思生羽翼飛上鬱峻



楚香亭集卷四  
增常耳翠微裏雞園何恢弘必有聰聞復瓊敷坡  
老稱亦豈乏醉禿薰修如可朋逝當窮搜剔毋負  
爽氣凝

初夏二首

又際清和節花殘錦繡堆隴頭看白麥江上憶黃  
梅嘹唳邊鴻去霏微山雨來小庭寒未減紈扇莫  
輕開

不悟東君返仍披季子裘日長雖是夏寒淺却如  
秋歡伯三升醉羈人萬斛愁倚窓搖素管珍重下  
簾鉤

夏日遣懷

地僻經年罕客蹤蕭然塵俗隔闌中魚腸劍挂羞  
稱俠犢鼻禪穿敢諱窮酒興渾如元亮逸詩才應  
讓少陵工城居抵得邨居樂何必扶疎夏木叢

大風午夢歸家用蘇韻

蜚廉肆虐揚泥沙客子閉門如退衙但聞因風起  
柳絮誰見向日傾葵花擁衾支枕發慨喟神遊忽  
到江南家簾幙爭穿絮語燕兒童亂打槐衙鴉湘  
竹幾莖敷翠葉海榴滿榦開丹葩老妻憐我來迤  
邐柘紋冰甕煎芳茶前寄羊皮小華鼓鼙正正好



楚香齋集卷四  
七  
雛孫過奈何嬾癖學中散仍令鬢髮煩梳爬閭闔  
有階亦可格奮飛無翅良堪嗟夢回啟戶天籟息  
西山紅盡低殘霞

雜吟仍用前韻

天風怒號時捲沙公卿哀哀爭趨衙車上檐帷鋪  
蜀錦麗人顏若夫容花輕鞞窄帽便娟子柔毛縑  
幕金張家驢背走名逐曉雁蠅頭牟利隨昏鴉廟  
市培紅與植綠探春雪白真奇葩登饌最重灤河  
鯽滄泉還貴含膏茶通同部鼓六街伐嘈噴不啻  
漁陽搥欲學朋去聲肯發幽憤心中劇癢難搔爬累

日杜門自伏匿何如流覽忘咨嗟準備凌晨著謝  
屐排空好咀西山霞

四月望日口占寄內

獻歲寄小詩庭梅未開罷紅藥翻當階景光又及  
夏時序疾流矢茫然生懼怕奴子傳家郵隨將鞍  
馱卸我類食山屠得書勝啖蔗酣睡因探奇琅琅  
誦戊夜急起披裳衣休和問闔舍堂宇知棄捐千  
金鬻半價變業胡慘悽九闌淚傾瀉功名仗神靈  
人力亦略借如屋清根基似可立間架猥積瓌屑  
逋更之且不暇托庇健微軀鴻恩邀造化順翮遙



相聞懸懷姑放下

留友人食榆耳

產并代  
溪谷間

并代遙來味尚新  
槃餐品逸當奇珍  
旅庖固是鮮  
濃乏休認葫蘆錯笑人

寄慰梅嶼下第

李杜不登科千古稱憾事  
供奉與拾遺一般居清  
貴爾才追甫白早樹騷壇幟  
蹕絕擅聲華庸兒焉  
敢視尤工舉業詞發皇  
僉妙諦語語有根株篇篇  
出醜骸前歲棲梁山  
煩拏頓捐棄管城非弱邦  
楮國據強地木樨噴龍涎  
凡馬掃快意誰期賺英雄

鏖戰偏失利今科開瑞辰

官家數特異側聞攜

經籠入闈又循例風較秋日和景舒  
春天媚尺幅瀉長江腕底任放恣  
準膺鸚薦榮歡接鳳鸞翅仍遭紅勒帛  
劉幾名未易文人遇軾軻莫若爾為最  
幽憤宜填腔我亦永歎噴大器待晚成  
老子言無偽青萍姑藏鋒切勿挫銳氣

敬懷仲父六首

僦屋棲窮巷蕭然類野邨  
推顏宜守拙聞竅不聞喧  
山色青羸接杯香綠蟻吞  
那能壇坫裏吟嘯竹

林屯

時與友  
人唱和



可但冬艱雪春來雨亦稀生憎無麥望作麼救朝  
饑人說縱難據兒書焉敢非故林何處所回首一  
歔歔

亦也果疎放宜人稱嗣宗丹鉛娛歲月斟酌滌心  
胃未識偕無忌梅嶼 昆玉猶垂念仲容隻身禁不得千  
百慮交攻

逆舍羨吾弟時承堂上歡如何慳筆墨不爲報平  
安聞鍛雙飛羽空成九轉丹莫教嗟濩落差勝阿  
宜者

積日雙扉閉簾遮庾亮塵青編耽食古白眼怯逢

人一榻中間設常時寤寐親最佳風韻

園中亭名坐梧

月照松筠

彈指光陰過平頭五十來稱翁殊可媿謀宦實堪  
哈既乏依人術尤非濟世才不緣期異切久已跨  
鞍回

### 夜讀示小奚

鐘鳴蓮寺遠月上紙窓初怕飲到臍酒欣觀遮眼  
書閒中尋事業忙裏樂畋漁莫謂將安用羈人正  
藉渠

### 五十自壽



壯歲光陰已遠徂迄今追憶空歛歛 帝國不同  
山澤居阿陽又非列仙儒奚爲顛顛形容癯鬱伊  
常對赤脚奴見人索貸勝催租畏之曷啻逢於菟  
彼丈夫也我丈夫彼囊克仞我囊虛貧富攸分氣  
味殊總爲介立稀提扶致遭鼠輩輕羈孤排遣擬  
著虞卿書疇識其辭苦而腴奇煤利翰隨所如藉  
以作課心神舒若言齒加始衰軀真堪緬覲還軒  
渠豈有世上項曼都廁身蕞芮克瀛壺而况仍是  
舊頭盧二毛新怯兼髭鬚宿夜偃息歸巢湖扁舟  
十幅懸風蒲不移時迈蓬蒿廬婦執袂子兒牽裾

諄切告我田園蕪地可數弓苑可誅胡弗學圃師  
樊須丹漆之器金鴉鋤青菘綠韭滋畦蔬咄哉此  
樂無日無奈何計左浮榮圖輪號攘攘勞馳驅塵  
灰堆裏過居諸雄飛雌伏誰毀譽縱能滿百一半  
除喚醒癡夢曉鐘初令我汗下通身濡

自述

歲月中年速蹉跎每自慙孤愁縈海內清夢繞江  
南仕路何無策羈人豈復堪辛攜書一束相伴日  
沈酣

寄內邱令謝儀宣世兄



前冬騎蹇驢特訪中邱邑喜接素心來猥蒙青眼  
及古道今何稀令人感且泣別後六七程振策修  
門入暫棲十花池禪榻安秘笈隨例謁東曹一官  
求階級贈燈類馮唐崎嶇仕路澀終日坐囚拘如  
南冠而縶又如深井泉徒以短綆汲攬鏡照白髮  
興嗟已揖揖遣懷仗歐蘇唾語時竊拾不覺藁成  
堆編名旅獻集回想濶元暉兩年若俄吸政聲君  
軒騰逆舍我窘急早暮俸秩須還莫餘粒

大雨漫吟

兀坐幽居已索然傾盆况是雨綿綿囊空赤及羞

孤客運退黃楊厄閏年曲徑泥淤難鞞屐平階水  
溢可行舩家鄉點滴聞稀少惹得東臯旅次懸

示奴子

離家兩春秋倥偬爲謁選青鞵躡輦香每日謀炊  
爨賃屋遲月租催迫絕情面憤懣時填胃曰歸固  
所願况爾輸丹悃必定有成算奈我事如麻彌彌  
析條貫卒然揚鞭絲前功棄一旦孟浪駭妻兒厚  
期辜戚眷且也乞假繇名難當逃竄從未輕負人  
豈肯遽折券若云徃內邱廼者邀垂盱再請縱傾  
囊耻作馮婦看樂亭與海豐側聞非大縣二君雖



通門交淺恐褻慢貢腴既無能譴訶亦不便猗違  
費躊躇爭望相救援約計須多金斯遊庶可徧我  
橐久空虛底處尋白撰此說姑寢之安排始決斷  
羈旅原竊莫而今頗耐慣只消課小詩足以度所  
盱爾自去西秦毋因我憤亂

午日二首

序又逢端午誰堪度此辰蝸廬棲 輦下龍舸憶  
江濱雨細能添悶囊虛不洗貧漫言堆角黍蒲酒  
亦希陳

榴火還如故鬢絲嗟已非宦途空自想旅舍有誰

依點檢薪芻闕躊躇假貸希搔頭簾外立仍懼款

雙扉

時索逋  
不絕

又懷家

每逢佳節至骨肉想團樂為底拋千里都緣覓一  
官憑伊饒景物遇我總悲酸爭及蒲觴泛時同笑  
語歡

霖雨

剗吹雲四散一雨又成泥點滴心都碎霏霰眼亦  
迷煙濃連屋暗水長與階齊不是巢居者如何得  
穩棲



連日大風

每當午飯候風氣恒慘悽  
 銜不得遊坐困如醯  
 雞攤書几案上無酒洗塵泥  
坡云方言有洗泥酒  
 遠山森玉  
 立對面失角圭殊為敗人意  
 餘忤思故谿

楚香亭集卷四



